

## **Opšti uslovi korištenja mobilne aplikacije "Otvorena sjednica"**

Pročitajte ova pravila pažljivo. Ukoliko se sa istima ne slažete, molimo Vas da obustavite korištenje Aplikacije.

Mobilna aplikacija "Otvorena sjednica" (u daljem tekstu: Aplikacija) je vlasništvo Omladinskog pokreta "Revolt" iz Tuzle, ul. Đorđa Mihajlovića 4, 75000 Tuzla, ID broj 4209774000004 (u daljem tekstu: OP Revolt). Korisnik mobilne aplikacije (u daljem tekstu: Korisnik) je fizičko lice koje ispunjava kriterije predviđene Opštim uslovima korištenja Aplikacije (u daljem tekstu: Uslovi) i koje je pročitao i razumjelo Uslove, i sa istima se u potpunosti slaže.

### **I OPIS USLUGE**

"Otvorena sjednica" je mobilna aplikacija namijenjena svim fizičkim i pravnim licima koji žele da prate rad Gradskog vijeća u lokalnoj zajednici. Korisnik je lice koje instalacijom aplikacije na vlastiti mobilni uređaj prihvata Opšte uslove korištenja definisane ovim dokumentom.

Osnovne funkcionalnosti mobilne aplikacije "Otvorena sjednica":

- pregled profila institucije
- pregled sjednica i detalja sjednice
- pregled profila vijećnika/ca
- interfejs za komunikaciju sa vijećnicima/cama
- interfejs za kreiranje inicijativa
- kreiranje vlastitih profila

Usluga korištenja aplikacije se ne naplaćuje.

### **II KORIŠTENJE APLIKACIJE**

Korištenjem sadržaja ove Aplikacije korisnik prihvata sve rizike koji mogu da nastanu iz njenog korištenja, te Aplikaciju i njen sadržaj koristi isključivo na sopstvenu odgovornost.

OP Revolt neće snositi bilo kakvu odgovornost za eventualnu štetu nastalu neovlaštenim korištenjem uređaja povezanog s aplikacijom ili neovlaštenim pristupom personalizovanim podacima korisnika.

OP Revolt ne daje garancije i ne preuzima odgovornost za greške i/ili štete koje Korisnik pretrpi prilikom korištenja servisa Aplikacije, a koje su nastale posredno ili neposredno zbog kvara ili pada sistema, odnosno smetnje i prekida na telekomunikacionim mrežama pri prenosu podataka (putem telekomunikacione mreže), za onemogućen pristup servisima koje nudi Aplikacija (zbog različitih uzroka), kao i mogući gubitak ili štetu, nastalu za Korisnika usluge zbog naprijed navedenog.

Također, OP Revolt nije odgovoran za nemogućnost korištenja Aplikacije, ukoliko je to u potpunosti ili djelimično uzrokovano razlozima koji su izvan kontrole OP Revolt, uključujući bilo koju tehničku neispravnost.

### **Ograničenje odgovornosti**

OP Revolt se u potpunosti odriče svake odgovornosti za direktnu ili indirektnu štetu koja može nastupiti kao posljedica korištenja ili nemogućnost korištenja sadržaja aplikacije, ili za posljedice odluka donesenih na temelju sadržaja.

### **III POLITIKA PRIVATNOSTI I ZAŠTITE PODATAKA**

Pročitajte ova pravila pažljivo kako biste razumjeli zašto i kako prikupljamo Vaše lične podatke i kako će se oni koristiti.

Prilikom registracije u svrhu korištenja online servisa prikupljaju se podaci o korisnicima. Podaci prikupljeni ovim putem (ime, prezime, e-mail adresa) isključivo će biti korišteni za proces registracije na aplikaciju, a koji je neophodan kako bi se omogućilo korištenje naprednih funkcionalnosti aplikacije. Podaci ni pod kojim uslovima neće biti dati na korištenje trećoj strani.

Odgovornost za tačnost informacija o ličnim podacima snose korisnici. U postupku registracije, Vi unosite e-mail i lozinku (u daljem tekstu: Korisnička identifikacija). Vi ste u potpunosti odgovorni za očuvanje povjerljivosti Vaše Korisničke identifikacije. Nadalje, u potpunosti ste odgovorni za sve radnje izvršene pod Vašom Korisničkom identifikacijom.

OP Revolt se obavezuje da će štiti privatnost korisnika aplikacije. Svi podaci na telefonu u aplikaciji koji se tiču korisničkog naloga i ličnih podataka čuvaju se samo u kriptovanom formatu. OP Revolt neće biti odgovorna za bilo kakav gubitak ili štetu koji se mogu pojaviti ukoliko neko drugi koristi Vašu Korisničku identifikaciju, sa ili bez Vašeg znanja.

Korisnik Aplikacije je o neovlaštenoj upotrebi Korisničke identifikacije dužan obavijestiti OP Revolt.

Upotrebom mobilne aplikacije korisnik potvrđuje da razumije, prihvata i saglasan je sa svim odredbama ove politike zaštite privatnosti i ličnih podataka. Politika se u svakom trenutku može promijeniti ili dopuniti bez upozorenja ili obavijesti. Upotrebom mobilne aplikacije nakon promjene ove politike korisnik potvrđuje da je saglasan s promjenama.

#### **IV AUTORSKA PRAVA**

Dopušteno je korištenje i citiranje materijala sa stranice, uz uslov obaveznog navođenja izvora informacija. Sadržaj (dokumenti, podaci i informacije) preuzet sa Aplikacije ne smije biti mijenjan ili brisan, i ne smije se na bilo koji način koristiti u komercijalne svrhe ili na bilo koji način koji može uzrokovati štetu OP Revolt ili bilo kojoj trećoj strani. Sadržaj na Aplikaciji može da se koristi samo za individualne potrebe korisnika uz poštovanje svih autorskih i vlasničkih prava kao i prava trećih lica. Sve napomene o autorskim pravima, žigovima ili drugim autorskim pravima sadržanim u Aplikaciji ne smiju se uklanjati, prekrivati ili zatamnivati od strane korisnika.

#### **V DODATNE ODREDBE O KORIŠTENJU APLIKACIJE**

Korisnik se obavezuje da neće koristiti servise aplikacije i servere na bilo koji način koji bi mogao da ugrozi njihov normalan rad. Korisnik je saglasan da neće koristiti ili pokušati koristiti tuđi korisnički nalog i/ili pristupati tuđim ličnim podacima. Korisnik je saglasan da neće koristiti obrnuti inženjering, povratnu montažu, rastavljanje, dekodiranje ili bilo koji drugi način za otkrivanje izvornog koda aplikacije ili bilo koje povezane tehnologije.

#### **VI - ZAVRŠNE ODREDBE**

OP Revolt zadržava pravo izmjena i dopuna sadržaja koji nije unesen od strane Korisnika na Aplikaciji bez posebnog obavještanja Korisnika, tako da neće biti odgovoran za moguće posljedice proizašle iz takvih promjena. Sadržaj koji je dostupan kroz Aplikaciju se redovno ažurira.